

Anjou Andegavenfis Ducatus.

Anjou Ducatus habet Comitatus, Baronias, Dominia, ut Graon qua nec dum inveni, aut distin-
guere potui. Homagium sive fidem clientelarem illi praestant hi Comitatus IV, Maine, Vendosme, Beau-
fort, la Val.

Iurisdiclio.

Sedes Praesidialis totius Ducatus est Angiers, sub qua sunt particulares sedes iudiciales Angiers,
Saumur, Baugé, & Beaufort en Vallée.

Status Ecclesiasticus.

Vnum habet Episcopum Andegavensem, Angiers, Turonensis Archiepiscopo subiectum.

Ducatus Andegavenfis.

Regio.
Situs.

Soli fertilitas.

Imperium mayo-
rum.

Sequitur in nostra Methodo Ducatus Andegavenfis. la Duché d'Anjou. Hujus Provinciae populos C.
Caes. Andes, Plinius Andegavos appellat. Incipit ab Vico Choufay; finemque accipit inter Moncontour &
Herraut, ubi initium Pictaviensis Territorii, quod illi ab Meridie: versus Orientem confinia sunt Tu-
ronensium & Viindocinorum: ad Septentrionem Comitatus qui vulgo Maine & la Val: ad Occiden-
tem denique Britanniam attingit. Regio fertilis & amoena magis quam ampla. Colles ibi Vitibus passim
confiti, valles Silvis Saltibusque viridantes: laeta Prata: Ericeta gratissimum pecori pabulum praestantia. Vina
hic alba, notae nobilissimae, vulgo Vins d'Anjou. In summa quicquid huic vitae usui esse potest, haec Provincia
suppeditat. In nonnullis etiam hujus Provinciae locis illud genus Lapidis caeruleum & fissile effoditur, quo
Templorum ubique aediumque tecta contra coeli iniurias muniuntur: Ardoises vernacule vocantur. Rex Chil-
pericus, occiso Comite Paulo, Andegavensem urbem obtinuit: suisque eam posteris reliquit, Franciae Regibus:
quorum Carolus Calvus Superiorem quidem provinciae partem Torquato (alii aliter vocant) dedit, reservato
sibi supremo in eam jure: Inferiorem autem Eudoni Parisiorum Comiti, cujus ex fratre Ruperto Comite An-
degavenfi Duceque Celticae Nepos, Hugo Magnus eam largitus est Fulconi, Torquati ex Ingelgero filio, Ne-
poti. Fulconi ordine successerunt Fulco II, Gotefridus vulgo dictus Grifonella, Fulco III, Gotefridus, II, Fulco
IV, Fulco V; qui Hierosolymorum Rex fuit, post Balduinum cujus Filiam ipse viduus duxerat uxorem: Gotefri-
dus denique VI Brabatus, cui sociara fuit Machthildis, Henrici I Angliae Regis F. Hujus Filii, Henricus qui-
dem Rex fuit Angliae, ejus nominis II: Andium vero comites Gotefridus VI & Gulielmus: quos quum paricidiali
bello victos terris suis pepulisset Frater Rex, Filios natu majores in Angliae Regno, Gotefridum autem VII in
Comitatu Andegavenfi successores habuit. Gotefridi filio Arturo Comiti, Britanniaeque per matrem Duci,
bellum movit Patruus Ioannes Angliae Rex. Fecerat jam Arturus Homagium, ut loquuntur, & fidem Prin-
cipatus